



विस्थापन ओ अतिक्रमणबीचके दबाबमे वन संरक्षण कैलाली-१ के लाग जनकराज चौधरीके संकल्पपत्र सार्वजनिक

पहुरा समाचारदाता
धनगढी, ३ फागुन । कैलालीके चुरे गाउँपालिका-४ पनेरुगडास्थित बन्वक बीच भागमे विनादेवी महाराके परिवार पाँच बरससे पालटर आश्रय लेके बैठेटी आइल बा । विसं २०७७ मे चुरे गाउँपालिका-४ के गौजनामे आइएल पहिरोसे ओहकान १६ रोपनी जमिनसहित घर ओ खेटवा पुहाइलपाछे विनादेवीके परिवार विस्थापित हुइ परल ।

विस्थापित हुइलपाछे ओहकान परिवार बन्वामे आके बैठल । वहाँसे वन कार्यालय हटाइलपाछे कुछ समय गौशालामे बैठे परल ओ वहाँसे फेन हटाइलपाछे फेनसे यहाँ पनेरुगडाके बन्वामे आके बैठना बाध्य हुइल विनादेवी बटैली । 'घर नैहुइलपाछे बन्वामे बैठे पर्ना बाध्यता आइल,' उहाँ कहली ।

छाड बरवार होसेकल ओरसे बन्वामे बैठना असुरक्षित महसुस हुइलपाछे उहाँ छाडेह आफन्त कहाँ राखके पहुँची रहल बटी । दुई छावाकसँगै बन्वामे बैठेटी रहल विनादेवीके गोसिया रोजगारीके लाग भारतमे बटै । अपने फेन मजदूरी कैके परिवारके जीविकोपार्जन कैटी आइल उहाँ बटैली ।

भाडामे बैठना क्षमता नैरहल ओ बन्वामे बैठेबर बच्चनके भविष्य जोखिममे पर्ना चिन्ता उहाँ रहल बा । 'यहाँ बाघ ओ जंगली जनावरके डर बा,' उहाँ कहली, 'सामुदायिक वन समूहसे यहाँसे अन्टे जैन फेन कहट् । रहर किहीहे रही ओ ज्यान जोखिममे पारके बैठना, मने जैना ठाउँ कहँरो नैहो । बरु मारिट, कहँरो नैजैबु ।'

विनादेवी जस्टे कमला रोका



मगरके परिवार फेन २०७७ सालसे इहे पनेरुगडाके बन्वामे पालमुनी जीवन बिटेरहल बटै । हावाहुरी चलेबर रुखा ढलट् कि कना त्रास रातके जंगली जनावर अइठे कि कना ज्यानके डरबीच दिन कटना उहाँके दैनिकी बनल बा । 'उठके जाइ फेन कहट्,' कमला कहली, 'मने जैना ठाउँ नैहो । मजा घरमे बैठना मन हमार फेन बा, मने कहाँ जैना हो ।'

इहे क्षेत्रमे चुरे गाउँपालिका-६ के डबल बहादुर कार्की फेन पालटर बैठेटी आइल बटै । ओहकान अनुसार सुरुमे यहाँ ढेर विस्थापित परिवार रहिट । 'कतिपय रोजगारीके लाग भारत गैले, कोइ पहिरो गैल अपने ठाउँओर जाके बैठलै,' उहाँ कहलै, 'हमार टे कुछ फेन नैहो कहाँ जैना हो यहाँ बैठल बटी ।' पालिकासे हाल यहाँ बैठना कहलेसे फेन सुरक्षित ओ स्थायी बसोबासके कौनो सुनिश्चितता नैरहल उहाँके गुनासो रहल बा ।

पनेरुगडा क्षेत्रमे किल अइसीन २५ से ढेर परिवार पाल टाँगके बैठल बटै ।

चुरे गाउँपालिका-४ के वडाध्यक्ष चन्द्रबहादुर लामिछाने मगरके अनुसार २०७७ सालके बारह-पहिरो ओ अन्य दैवी प्रकोपके कारण विस्थापित ११६ परिवार पनेरुगडा, टाँकगडा, बालुवागडा चुरे-१ के खामाहाले ओ खानीडाँडालगायत क्षेत्रमे अस्थायी रूपमे बसोबास कैटी आइल बटै । सुरुमे घरबारबिहीन कहटी करिब सात सय परिवार वन क्षेत्रमे बैठल डेखगैलेसे फेन गाउँपालिकाके छानविनपाछे ११६ परिवार किल पूर्ण रूपमे घरबारबिहीन पाइल रहिट ।

वन कार्यालयसे २०७९ सालमे अतिक्रमण कहटी ढेर जनहनहे हटैलेसे फेन वास्तविक पीडित भर अभिन बन्वामे बैठना बाध्य बटै । वडाध्यक्ष लामिछाने मगर कहलै, 'विस्थापितहुनके समस्या गम्भीर बा । मने स्थानीय तहसँग ओइनहे तत्काल व्यवस्थापन कैना अपने जमिन नैहो । वन कार्यालयसे हटाइ खोजट्, मने ओइनके जैना ठाउँ नैहो । इहे कारण उहाँहुके जोखिमपूर्ण अवस्थामे बैठना बाध्य बटै ।'

यहाँ बैठना बालबालिकाहुनके विद्यालय जैना फेन चुनौतीपूर्ण बा । यहाँके बालबालिका गौरीगंगा नगरपालिका-३ मे रहल शिव नमुना

आधारभूत विद्यालयमे पहे जैठै । दीपेन्द्र महारा कक्षा ६ मे पढै । दीपेन्द्र कहलै, 'वर्षाके समयमे बारह आइलपाछे विद्यालय नैजैठी ।' रमेश बहादुर महारा फेन कक्षा ७ मे पढै । सकारे समयमे स्कूल लागेबर अभिभावकहुके आधा उगारासम पुगाइ जाइ परल उहाँके कहाइ रहल बा ।

बहुटी वन अतिक्रमण

पहिरो, बारह ओ अन्य दैवी प्रकोपसे विस्थापित यी परिवारके लाग बन्वा अतिक्रमण कौनो फेन हालतमे रोजाइ नैहो, बाध्यता हो मने वन अतिक्रमणके समस्या अटरेमे सीमित नैहो । विस्थापनके नाउँमे किल नैहो, टमान बहानामे कैलाली ओ कञ्चनपुरके वन क्षेत्र अतिक्रमणके चपेटामे परटी रहल बावै । कैलालीके बसन्ता कोरिडोर, अन्तरिया, चिसापानी ओ कञ्चनपुरके शुक्लाफाँटा राष्ट्रिय निकुञ्ज आँजोरपाँजर क्षेत्र पाछेक बरसमे तीव्र अतिक्रमणके चपेटामे परल उदाहरण हो ।

महालेखा परीक्षकके ६२औं वार्षिक प्रतिवेदन (२०८२) अनुसार देशभर करिब एक लाख चार हजार हेक्टर वन क्षेत्र अतिक्रमणमे परल बा । इ मध्ये ३८ प्रतिशतसे ढेर अतिक्रमण कैलाली जिल्लामे किल डेखजाइट । वन अनुसन्धान तथा सर्वेक्षण विभाग (२०१५) के तथ्याक्तअनुसार कैलालीके कुल क्षेत्रफल तीन लाख २८ हजार ७१६ हेक्टर रहल बा । इ मध्ये भुइँ दुई तिहाई अर्थात् दुई लाख ५७३ हेक्टर वन क्षेत्रसे ओगटले बा । मने पाछेक आठ बरसमे किल करिब १७ हजार हेक्टर वनक्षेत्र अतिक्रमणमे परल सरकारी तथ्यांकसे डेखाइट ।

'हाम्रो वन' प्रतिवेदन (२०७५) अनुसार कैलालीमे २१ हजार ४०४ हेक्टर वनक्षेत्र अतिक्रमणमे परल रहे । हाल महालेखा परीक्षकके पाछेक प्रतिवेदनसे इ आँकडा बहके (बाँकी ३ पेजमे)

पहुरा समाचारदाता
टीकापुर, ३ फागुन । नेपाली काँग्रेस के कैलाली क्षेत्र नम्बर १ के प्रतिनिधि सभा सदस्य उम्मेद्वार जनकराज चौधरीसे अपन विस्तृत संकल्प पत्र सार्वजनिक करले बटै ।

फागुन २१ गते हुइ जैटी रहल निर्वाचनहे लक्षित करटि आयोजित एक समारोहके बीच चौधरीसे "समुन्नत, समावेशी ओ विकासोन्मुख कैलाली क्षेत्र नं. १" निर्माण कैना दीर्घकालीन दृष्टिसहित प्रतिबद्धता सार्वजनिक करल हुइट ।

चौधरीसे सार्वजनिक करल संकल्प पत्रमे शिक्षा, कृषि, युवा तथा रोजगारी, पर्यटन, थारु समुदायके पहिचान, स्वास्थ्य, पूर्वाधार, वातावरण संरक्षण ओ सुशासनलगायतके विषयहे प्राथमिकतामे राखल बा । उहा "विकास सक्कुहन्के लाग, अवसर सक्कुहन् के लाग" कना मूल मन्त्रके साथ समावेशी, आत्मनिर्भर ओ समृद्ध निर्वाचन क्षेत्र निर्माण कैना लक्ष्य आगे सारल बाटै । "शिक्षा लोकतन्त्र ओ विकासके मूल आधार हो" कना नारासहित चौधरी सामुदायिक विद्यालयके गुणस्तर सुधार, दक्ष जनशक्ति विकास, डिजिटल कक्षा सञ्चालन तथा अंग्रेजी ओ सूचना प्रविधि शिक्षामे जोड डेना योजना प्रस्तुत कलें बटै ।

इ क्षेत्रमे रहल प्राविधिक शिक्षालयहे स्तरवृद्धि कैना सिटिईभिटी अन्तर्गतके कार्यक्रम सुदृढ बनैना उहा बटै । ओस्तेक करके कृषि विद्यालय, प्राकृतिक स्रोत व्यवस्थापन कलेज ओ टीकापुर पोलिटेक्निक इन्स्टिच्यूटसँग सहकार्य कर्के प्राविधिक तथा व्यावसायिक शिक्षाहे रोजगारीसँग प्रत्यक्ष जोना योजना बा ।

गरिब, थारु, दलित, महिला तथा सीमान्तकृत समुदायके विद्यार्थीके लाग 'सांसद छात्रवृत्ति कोष' स्थापना कैना

तथा स्पष्ट कार्यविधि बनाके कार्यान्वयन कैना प्रतिबद्धता जनाइल बा ।

ओस्तेक, टीकापुर बहुमुखी क्याम्पस, वीरेन्द्र विद्या मन्दिर क्याम्पस ओ रघुनाथ बहुमुखी क्याम्पसके भौतिक पूर्वाधार, प्रयोगशाला ओ पुस्तकालय सुदृढीकरण कैना उल्लेख बा । प्रारम्भिक तहमे मातृभाषा (थारु भाषा) मे आधारित शिक्षा प्रवर्द्धन कैना योजना फे संकल्प पत्रमे समेटल बा ।

"कृषि अर्थ व्यवस्थाके मेरुदण्ड हो" कना अवधारणासहित चौधरीसे सिँचाइ विस्तार, कृषि यान्त्रिकीकरण ओ जलवायु अनुकूल खेती प्रणालीमे जोड डेहल बटै । विशेष करके रानी जमरा कुलरिया सिँचाइ आयोजनाके विस्तार तथा प्रभावकारी कार्यान्वयनहे प्राथमिकता डेना बा ।

धान, गहुँ, मकै, तरकारी, माछापालन ओ पशुपालनमे व्यवसायिक कृषि प्रवर्द्धन, संकलन केन्द्र ओ शीतभण्डार स्थापना, कृषि प्रशोधन उद्योग विस्तार तथा किसानहे सहूलियत ऋण ओ बिमा सुविधा सुनिश्चित कैना योजना आगे सारल बा ।

थारु समुदायके परम्परागत कृषि ज्ञानहे आधुनिक प्रविधिसँग जोना, युवाहे कृषि उद्यमशीलताओर आकर्षित कैना ओ कृषि स्टार्टअपके लाग 'सिड मनी' उपलब्ध करैनाओ नीति लेना उल्लेख बा ।

टीकापुरमे स्थापना हुइल बा सुदूरपश्चिम विश्वविद्यालय अन्तर्गतके कृषि शिक्षालयसँग सहकार्य कर्के किसान-शिक्षक-विद्यार्थी बीच सहकार्यात्मक कार्यक्रम सञ्चालन कैना चौधरी बटैले बटै । साथे केरा, च्याउ, डेरी ओ मत्स्यपालन जैसिन उच्च मूल्यके कृषि उत्पादनमे वृद्धि कैना नीति निर्माणके पहल कैना बा ।

"विदेश नाहि, गाउँमे अवसर" कना नारासहित चौधरीसे (बाँकी २ पेजमे)

एक सय २६ मतदाता शिक्षा स्वयम् सेवक खट्टी



पहुरा समाचारदाता
धनगढी, ३ फागुन । कैलालीमे मतदाता शिक्षाके लाग १२६ जाने स्वयम् सेवक खट्ना हुइल बटै ।

निर्वाचन कार्यालयसे जिल्लाके १३ पालिकामे उ संख्यामे मतदाता शिक्षा स्वयम् सेवक खटाइ लागल हो । यहाँ १२६ वडा कार्यालय रहल बावै । प्रत्येक वडामे एक/एक जाने मतदाता शिक्षा स्वयम् सेवक खट्ना प्रदेश निर्वाचन कार्यालयके सूचना अधिकारी राजेश चौधरी जानकारी डेलै ।

मतदाता शिक्षा कार्यक्रमके लाग महिला स्वास्थ्य स्वयम् सेविका, सामाजिक परिचालक लगायतमे

कार्यरत महिलाहे छनोट करल बा । छनोट हुइल स्वयम् सेवक लक्ष्य निर्धारण कैके आ-आपन वडामे मतदाता शिक्षा डेना जनाइल बा । उहाँहुके मत सदर हुइना, बदर हुइना अवस्थाके बारेम जानकारी डेनाकसे साथे सहि तरिकासे मतदान करक लाग मतदाताहे सिखैना सूचना अधिकारी चौधरी बटैले ।

मतदाताहे मतदाता शिक्षा डेहक लाग स्वयम् सेवकसे नमूना मतपत्र लेके कार्यस्थलमे खट्ना जनाइल बा । फागुन ३ से १७ गतेसम मतदाता शिक्षा कार्यक्रम सञ्चालन हुइना निर्वाचन कार्यालय जानकारी डेले बा ।

सुदूरपश्चिम प्रदेशको अत्याधुनिक सुविधा सम्पन्न

निसर्ग हस्पिटल
एण्ड रिसर्च सेन्टर प्रा.लि.

विशेषज्ञ डाक्टर तथा ओ.पि.डी सेवाहरु

जनरल फिजिसियन (पेट, छाती, मुटु) रोग विशेषज्ञ	रेडियोलोजी विशेषज्ञ	न्युरो, मस्तिष्क, नशा तथा मेरुदण्ड रोग विशेषज्ञ	हाडजोर्नी तथा स्पोर्ट्स फिजियोथेरापिस्ट
हाडजोर्नी तथा नशारीय विशेषज्ञ	जनरल तथा ल्याप्रोस्कोपिक सर्जन	स्त्री तथा प्रसूति रोग विशेषज्ञ	नवजात शिशु तथा बालरोग विशेषज्ञ
नाक, कान, घाँटी तथा थाइरोइड रोग विशेषज्ञ	एनेस्थेसिया तथा क्रिटिकल केयर विशेषज्ञ	मुख, अनुहार तथा बङ्गारा विशेषज्ञ	मानसिक तथा नशा रोग विशेषज्ञ
छाला, यौन, कुष्ठरोग तथा सौन्दर्य विशेषज्ञ	मृगौला तथा मुत्ररोग विशेषज्ञ	मुटु रोग विशेषज्ञ	

Hasanpur, Dhangadhi-5, Kailali, Nepal
091-527000/01/02, 9865680100, 9804600745
www.nisarghospitalnepal.com / nisarghospitalnepal

स्माईल चौधरीसे प्रकाशित

सठपाढक : प्रेम चौधरी (९८४८४२२२०७)

कार्यकारी सठपाढक : राम दहित (९८४८४९४१८)

भाषा सल्लाहकार : दिलबहादुर चौधरी

पहुँचा सठपाढक : कृष्णराज सर्वहारी

व्यवस्थापन सल्लाहकार : राजकुमार चौधरी

प्रधान कार्यालय: धन.पा.- ८, शिवनगर, कैलाली (नमस्ते सहकारी भवन)

मसुरिया शाखा: दिनेश दहित (९८१२६४१६०१)

पहलमानपुर शाखा: जीवन चौधरी (९८४७५०१८८७/९८२५६२९३०५)

प्रधान कार्यालय धनगढी

E-mail: dailypahura@gmail.com,

Website: pahura.com

मुद्रक : समैजी अफसेट प्रेस, बेहडी, धनगढी

कैलाली-५ मे ढुंगानाके चुनावी दौड तीव्र, ‘सोचलसे ढेर माया पैटी बढु’



पहुरा समाचारवाता धनगढी, ३ फागुन । कैलाली क्षेत्र नम्बर ५ मे नेपाल कम्युनिस्ट पार्टी (एमाले) के ओरसे प्रतिनिधिसभा सदस्यके उम्मेदवार यज्ञ राज ढुंगाना चुनावी प्रचारप्रसारहे तीव्रता डेले बटै ।

घरदैलो अभियान, टोल-टोल भेटघाट तथा अन्तरक्रिया कार्यक्रममे व्यस्त रहल ढुंगाना अपने अपेक्षा करलसे ढेर समर्थन ओ सद्भाव पैटी रहल बटैले बटै ।

मतदाता भेटघाटके क्रममे सञ्चारकर्मीसँग बाट करटी उहाँ कहलै, “मै यहाँके सक्कु मतदाताहे व्यक्तिगत रूपमे नैचिन्नु कना लागे । मने वहाँसे करल जनसेवाके काम यहाँके नागरिकसे लगसे नियल्ले बटै । अब्बे गाउँ-बस्ती पुगेबेर सोचलसे ढेर माया पैटी रहल बटु । यिहे माया ओ स्नेह मोर जित्न आधार हो ।”

उहाँके अनुसार निर्वाचन क्षेत्रके टमान गाउँ, टोल ओ बस्तीमे पुगेबेर विकास, रोजगारी, शिक्षा ओ स्वास्थ्यके विषयमे नागरिकसे राखल सुझावहे अपने प्राथमिकताके साथ नोट करटी रहल बटै । “मै करे सेक्का केल्ह वाचा करटी रहल बटु । जनताके सुझाव सुन्टी बटु । जा जनतासे कहटै, उहे मोर प्राथमिकता रहठ,” उहाँ कहलै ।

कैलाली-१ के लाग...

युवा लक्षित कार्यक्रम आगे सल्ले बटै । सिप विकास तथा उद्यमशीलता केन्द्र स्थापना कैना, ‘पढि ओ कमाइ’ कार्यक्रम सञ्चालन कर्के बारिस्टा, डिजिटल मार्केटिङ, इभेन्ट म्यानेजमेन्ट, ग्राफिक डिजाइन, आतिथ्य सेवा लगायतके तालिम सञ्चालन कैन योजना सार्वजनिक करल बा । युजिसी नेपालदसे टीकापुर बहुमुखी क्याम्पसमे स्थापना करल इन्क्यूबेशन सेन्टरसँग सहकार्य विस्तार कैना उल्लेख बा ।

वैदेशिक रोजगारीसे लौटल युवाके लाग पुनःस्थापना कार्यक्रम, सार्वजनिक-निजी साभेदारीमार्फत रोजगारी सिर्जना, श्रमिकके सामाजिक सुरक्षा सुनिश्चितता तथा प्रत्येक वर्ष सय जना युवाहे कृषि तथा उद्यमशीलता क्षेत्रमे ‘सिड मनी’ प्रदान कैना योजना फे समेटल बा ।

“अतिथि देव भवः” कना नारासहित चौधरी कैलाली क्षेत्र नं. १ हे पर्यटन सर्किटके रूपमे विकास कैना योजना आगे सारल बटै । टीकापुर पार्क, घोडाघोडी ताल, बर्दिया राष्ट्रिय निकुञ्ज ओ निसापानी क्षेत्र जोर्ना पर्यटकीय मार्ग निर्माण कैना योजना बा ।

थारू सांस्कृतिक पर्यटन, होमस्टे प्रवर्द्धन, सांस्कृतिक एकाडेमी स्थापना तथा धार्मिक धरोहरके संरक्षणमे टीकापुर क्षेत्रमे सहज पढूँच ओ महिला स्वास्थ्य स्वयंसेविकाहे थप प्रभावकारी बनैना नीति समेटल बा । सडक, सिँचाइ, ऊर्जा ओ सूचना प्रविधिमा विशेष जोड डेटी चौधरी टीकापुर-सप्तकट्टी, टीकापुर-जोशीपुर-भजनी तथा अन्य ग्रामीण सडक कालोपत्रे कैना प्रतिबद्धता जनैले बटै । सेती लोकमार्ग निर्माणमे तीव्रता, कर्णाली करिडोर प्रवर्द्धन, जला यातायात ओ जल पर्यटन प्रवर्द्धन, तथा दीर्घकालमे टीकापुर क्षेत्रमे सुख्खा बन्दरगाह (डाइ पोर्ट) निर्माणके पहल कैना उल्लेख बा । साथै रानी-जमरा-कुलरिया सिँचाइ आयोजनासे उत्पादित विद्युतमे स्थानीयबासीके स्वामित्व सुनिश्चित कैना कहल बा ।

शिवरात्रि हिन्दुहुकनके पर्व हो । खास कैके हिन्दुबाहुल्य देश नेपाल ओ भारतमे यी पर्व भव्य रूपमे मनाजाइठ । शिवरात्रि शिव ओ रात्रि दुई शब्दके सम्मिश्रणसे बनठ । शिव हिन्दुके मुख्य आराध्य देवता मानजाइठ । शिव शब्दसे चेतना ओ ज्ञानसे युक्त शिवतत्व जनाइठ । रात्रि शब्दसे अज्ञानरूपी अन्धकार जनाइठ । अइसिके शिवरात्रि शब्दसे ज्ञानसे प्रज्वलित रात्रि भकना बुझाइठ । शिवरात्रि ओहे रात्रि हो, जहाँ अज्ञानरूपी अन्धकारके अभाव हुइठ । काश्मीरी शैव मतके प्रखर विद्वान् लक्ष्मण जु कले फेन बटै, शिवरात्रिके अर्थ श्वेत रात्रि अर्थात् ओज्जरार रात्रि हो । शिवरात्रि ओहे रात्रि हो, जब भक्तहे शिवके आशीर्वाद प्राप्त हुइठ अर्थात् उउप्पर शिवके कृपा वा शक्ति प्राप्त हुइठ ।

यिहिनसे का बुझाइठ कहिके शिवरात्रि ओहे अवस्था हो, जहाँ ज्ञानसे अज्ञानरूपी अन्धकारके अन्त्य हुइल रहे अर्थात् ओइसिन रात्रि जो उज्ज्वल ओ प्रकाशवान् होए । सायद टबेमारे शिवरात्रिके अवसरमे आगी बरना प्रचलन चलल हुइ । सामान्य मनै यिहिनहे शिवजीहे जार हुइल ओरसे आगी तप्ना करलेसे फेन हुइ कलेसे वास्तविकता ओरे बा । हिमालयमे बास करना शिवजीहे आगी बारे परना मेरिक जार हुइल हुइ कना सोचन मूखता हुइ ।

काश्मीरी शैव मत अनुसार शिवके तीन शक्ति रहठः ज्ञान, इच्छा ओ क्रियाशक्तिह यिहिनहे त्रिका फेन कहिजाइठ । सामान्य मनै अर्थात् जीवमे ज्ञान, इच्छा ओ क्रिया तीन विद्यमान टे हुइठ मने सीमित वा अल्प रूपमे । जब साधनाके बलसे मनै अपनमे निहित ज्ञान, इच्छा ओ क्रिया शक्तिहे अनन्त ओ असीमित बनाइठ, तब ऊ जीवसे शिव बनठ ।

त्रिका सिद्धान्त अन्तर्गत शिवहे तीन अवस्थामे जानजाइठ- पर, परापर ओ अपर, यिहिनहे घोर, घोरतरी ओ अघोर फेन कहिजाइठ । परसे परम् शिव अर्थात् परमात्मा जनाइठ कहिके परापरसे शक्ति जनाइठ कलेसे अपरसे जीव । सब मनैन्मे शिवतत्व विद्यमान् हुइठ मने ओकर पहिचान साधनासे किल करना सेक्जाइ ओ साधनाके अन्तिम बिन्दुमे मनै परम् शिव साक्षात्कार करठ ।

शिव कटिकिल हप्पे हातमे त्रिशूल लेके, जटाधारी, बाघके छाला ओहल, शिरमे चन्द्रमे भिरल, गलामे सर्पके माला लगाइल, शरीरमे खरानी घसल ओ शिरसे अटुट गंगा बहल अचम्मलिटक प्राणीके कल्पना करठि । का शिव सच्चे ओइसिन अद्भूत प्राणी हुइहि टे ? वास्तवमे शिव कौनो मनै वा भीमकाय जीव नैहोके तत्व हो, सूक्ष्मसे फेन अति सूक्ष्म तत्व । काश्मीरी शैव मत अनुसार यी सृष्टिमे रहल ३६ मूल तत्वमध्ये शिव सबसे सूक्ष्म तत्व हो, यिहिनहे परम् शिव कहिजाइठ । पृथ्वी सबसे ठोस तत्व हो कलेसे आकरपाछे जल, अग्नि, वायु, आकाश कैके ३६ औं तत्व शिव तत्व हो ।

शिवके कपारमे डेखैना चन्द्रमासे

कल्पनाशील मनके प्रतिनिधित्व करठ कलेसे अटुट ज्ञानके धारा गंगा हो । तीन मेरिक दुःख, आध्यात्मिक, आधिदैविक ओ आधि भौतिक दुःख, हरना हुइल ओरसे उहाँक हातमे सदा त्रिशूल रहठ ओ गलामे लगाइल सर्पके माला सजगता अर्थात् चेतनाके प्रतिनिधित्व करठ । शरीरमे पोटल खरानी संहारके प्रतीक हो, प्रलयकालमे विश्वब्रह्माण्डहे नष्ट कैके बाँकी रहल खरानीके लेप अपन शरीरमे लगाइल जस्टे ।

शिव वास्तवमे शुद्ध चेतना हो, अद्वैत वेदान्तके प्रणेता आदि शंकराचार्य कलै ।

शास्त्रमे कहल बा, शिवके कौनो स्वरूप नैहुएठ काहेकि उ सत्यस्वरूप हो, शुद्ध चैतन्य स्वरूप हो । ओइसिन रहल ओरसे फेन हप्पे अन्य देवताके जस्टे शिवके मूर्तिहे नैहोके शिवलिंगहे पूजा करठि । काहेकि उ अनन्त शक्तिके प्रतीक हो, अनन्त चेतनाके प्रतीक हो, सत्यस्वरूप हो । उ निराकार, अजन्मा, अमर, निर्गुण ब्रह्मस्वरूप रहल ओरसे ओकर कौनो रूप नैरहठ ओ हप्पे लिंग अर्थात् चिह्नके रूपमे ओकर उपासना करठि । शिवलिंग हुइल मन्दिरहे पूरे परिक्रमा नैकरजाइठ । ओकर आधा किल परिक्रमा करना चलन बा । शिवलिंगके दर्शन कैके आधा दायँसे ओ आधा बायाँसे परिक्रमा करना प्रचलन बा । काहेकि जो अनन्त बा, ओकर कैसिक परिक्रमा करना सम्भव रहठ ? जेकर पूर्ण परिक्रमा करजाइठ, उ अनन्त नैरहठ, असीमित नैरहठ । हिन्दुहुके साकार- सगुण, साकार- निर्गुण तथा निराकार- निर्गुण कैके टमान स्वरूपमे ईश्वरके उपासना करठै । आध्यात्मिक सिँढीके प्रथम खुड्किलामे साकार ईश्वरके पूजा करजाइठ अर्थात् मूर्ति पूजा करजाइठ कलेसे ओकरपाछे क्रमैसे आध्यात्मिक यात्रामे आघे बहना क्रममे मूर्तिपाछे शिवलिंगके पूजा करजाइठ काहेकि लिंग कलेक ईश्वरके चिह्न वा संकेत किल होह उहिनसे अनन्त ब्रह्मके स्वरूप दर्साइठछ, लिंगपाछे ओमकारके उपासना करजाइठ । ओमकार शब्द ब्रह्म हो । अइसिके साधक स्थलसे सूक्ष्मओर यात्रा आघे बहना क्रममे मूर्तिसे, शिवलिंग ओ ऊँ ओ अन्यमे निर्गुण, निराकार ब्रह्मके उपासना करठै ।

ओस्टेक शक्ति अर्थात् देवी भर यी संसारहे चलायमान ढरना ऊर्जा हो । शिव कुछ फेन नैकरठै, ऊ केवल साक्षी किल हो कलेसे सृष्टि, सञ्चालन ओ संहार सब करना शक्ति भर तिनु देवी हुइठै ।

काश्मीरी शैवमत अनुसार शिवके पाँच क्रिया हुइल ओरसे कुहँ कुहँ शिवहे पञ्चमुखीके रूपमे फेन उपासना करजाइठ । उ पाँच क्रिया होः सृष्टि, स्थिति, प्रलय, तिरोभाव ओ अनुराग । शिव संसारके सृष्टि करठै ओ पालना ओ अन्त्यमे संहार करठै । तिरोभाव अन्तर्गत शिवसे अविद्याके माध्यमसे अपन असली स्वरूप लुकाँठै ओ अनुग्रहसे भक्तहे अपन असली स्वरूपके दर्शन डेहठ ।

शिव ओ पार्वतीके अनेकन कथा, किंवदन्ती हिन्दु शास्त्रमे उपलब्ध बा । स्वस्थानी व्रतकथामे फेन शिव ओ पार्वतीके लीलाके वर्णन बा । महादेवके शक्तिहे पहिचान करे नैसेक्के उहाँहे अवहेलना करना दक्ष प्रजापतिके यज्ञ किल भंग नैहोके उ अपन शरीरसमेत

त्यागेपरना रहठ । ओम्ने दक्षप्रजापतिसे मनैन्मे हुइना अहंकारके प्रतिनिधित्व करठ । अहंकारसे मनै कैसिक पतनके मार्गओर डोऱ्याइठ कना पाठ उहिनसे सिखाइठ । कहिजाइठ, शिवसे पार्वतीहे योगके टमान आसनबारे ज्ञान डेहल रहेह जोन मत्स्येन्द्रनाथ ओ उहाँक शिष्य गोरखनाथसे सिकलपाछे मनैन्मे फैलल हो । उ कारण फेन शिवहे महायोगी कहल हो । अइसिके शिव ओ देवीबिच संवादके रूपमे कत्रा महत्वपूर्ण आध्यात्मिक ज्ञान हप्पे शास्त्रमे उल्लेख हुइल पाइ सेक्जाइ ।

शास्त्रमे कहल बा, शिवके कौनो स्वरूप नैहुएठ काहेकि उ सत्यस्वरूप हो, शुद्ध चैतन्य स्वरूप हो । ओइसिन रहल ओरसे फेन हप्पे अन्य देवताके जस्टे शिवके मूर्तिहे नैहोके शिवलिंगहे पूजा करठि । काहेकि उ अनन्त शक्तिके प्रतीक हो, अनन्त चेतनाके प्रतीक हो, सत्यस्वरूप हो । उ निराकार, अजन्मा, अमर, निर्गुण ब्रह्मस्वरूप रहल ओरसे ओकर कौनो रूप नैरहठ ओ हप्पे लिंग अर्थात् चिह्नके रूपमे ओकर उपासना करठै । शिवलिंग हुइल मन्दिरहे पूरे परिक्रमा नैकरजाइठ । ओकर आधा किल परिक्रमा करना चलन बा । शिवलिंगके दर्शन कैके आधा दायँसे ओ आधा बायाँसे परिक्रमा करना प्रचलन बा । काहेकि जो अनन्त बा, ओकर कैसिक परिक्रमा करना सम्भव रहठ ? जेकर पूर्ण परिक्रमा करजाइठ, उ अनन्त नैरहठ, असीमित नैरहठ । हिन्दुहुके साकार- सगुण, साकार- निर्गुण तथा निराकार- निर्गुण कैके टमान स्वरूपमे ईश्वरके उपासना करठै ।

शिवहे बाहिर मन्दिरमे नैहोके आत्मासे दर्शन करठ हो । शिवके बाहिरी रूप टे संकेत किल हो । श्वेताश्वर उपनिषद्के भाष्यमे आदि शंकराचार्य लेखै, “योगीहुके शिवहे आत्मासे दर्शन करठै प्रतिमामे नाइ । यिहिनसे आत्मासे स्थित शिवहे बेवास्ता कैके बाहुय शिवके पूजा करठै, उ मानौं हातमे रहल भातके गाँस भुइँमे फेक्के केवल हात किल चट्टै ।” शंकराचार्यके अनुसार आत्मस्थ तीर्थहे त्यागके बाहुय तीर्थमे जैना कलेक हातमे रहल हिरा फ्याँकके बाहिर रहल काँच खोजनसरह हो । तसर्थ यी महाशिवरात्रिसे हप्पिहिनहे अपनभित्तर रहल शुद्ध चैतन्य स्वरूप शिवके खोजी करना प्रेरणा डिट । संसाररूपी अविद्यास्वरूप रात्रिमे शिवरूपी ज्ञानके ज्योति जलैना प्रेरित करै । जब हमार हृदय मलरहित शान्त ओ शुद्ध हुइ, उ अवस्थामे अवश्य फेन शिवत्वके प्राप्ति हुइठ ।

विचार

श्रीरामबल्लभ प्रधान

आध्यात्मिक सिँढीके प्रथम खुड्किलामे साकार ईश्वरके पूजा करजाइठ अर्थात् मूर्ति पूजा करजाइठ कलेसे ओकरपाछे क्रमैसे आध्यात्मिक यात्रामे आघे बहना क्रममे मूर्तिपाछे शिवलिंगके पूजा करजाइठ काहेकि लिंग कलेक ईश्वरके चिह्न वा संकेत किल होह उहिनसे अनन्त ब्रह्मके स्वरूप दर्साइठछ, लिंगपाछे ओमकारके उपासना करजाइठ । ओमकार शब्द ब्रह्म हो । अइसिके साधक स्थलसे सूक्ष्मओर यात्रा आघे बहना क्रममे मूर्तिसे, शिवलिंग ओ ऊँ ओ अन्यमे निर्गुण, निराकार ब्रह्मके उपासना करठै ।

माण्डुक्योपनिषद् कहल फेन बा, ओम् मे निहित अ, उ ओ म पाछे अइना मात्रा रहित, स्वररहित वस्तु वास्तवमे ब्रह्म हो । ओम्ने कहल बा, अ, उ ओ म पाछे पुनः अ अइना आघेक शब्दरहित, मात्रारहित मौनता ब्रह्म हो । अइसिके दुई श्वासके बिचके शून्य अवस्था, दुई शब्दबिचके ध्वनिरहित मौनके अवस्था ब्रह्म अर्थात् अन्तिम सत्य हो ।

श्वेताश्वरोपनिषद् मेहेश्वरके बारेमे अइसिके वर्णन करल बा, प्रकृतिहे माया जैना ओ मेहेश्वरहे मायावी । ओहे प्रकृतिरूपी मायासे यी कार्यकारण स्वरूप सक्कु चराचर जगत् व्याप्त बा । अर्थात् तिनु मेहेश्वर अपन माया शक्तिसे यी सारा जगत्के सृष्टि करल हो (श्वेत ४.१०) ।

औरे श्लोकमे कहल बा, रुद्र एक बा । उ कारण ब्रह्मवेत्ता उ रुद्रबाहेक औरे कौनो बाटके अपेक्षा नैकरठ । उहिनसे अपन टमान शक्तिके माध्यमसे यी लोकमे शासन करठ ओ उ समस्त जीवभित्रे विद्यमान बा । उहिनसे सक्कु लोकके रचना कैके ओकर रक्षक होके प्रलयकालमे सक्कु लोकहे अपनभित्तर संकुचित करठ । (श्वेत.३.२)

शिवहे बाहिर मन्दिरमे नैहोके आत्मासे दर्शन करठ हो । शिवके बाहिरी रूप टे संकेत किल हो । श्वेताश्वर उपनिषद्के भाष्यमे आदि शंकराचार्य लेखै, “योगीहुके शिवहे आत्मासे दर्शन करठै प्रतिमामे नाइ । यिहिनसे आत्मासे स्थित शिवहे बेवास्ता कैके बाहुय शिवके पूजा करठै, उ मानौं हातमे रहल भातके गाँस भुइँमे फेक्के केवल हात किल चट्टै ।” शंकराचार्यके अनुसार आत्मस्थ तीर्थहे त्यागके बाहुय तीर्थमे जैना कलेक हातमे रहल हिरा फ्याँकके बाहिर रहल काँच खोजनसरह हो । तसर्थ यी महाशिवरात्रिसे हप्पिहिनहे अपनभित्तर रहल शुद्ध चैतन्य स्वरूप शिवके खोजी करना प्रेरणा डिट । संसाररूपी अविद्यास्वरूप रात्रिमे शिवरूपी ज्ञानके ज्योति जलैना प्रेरित करै । जब हमार हृदय मलरहित शान्त ओ शुद्ध हुइ, उ अवस्थामे अवश्य फेन शिवत्वके प्राप्ति हुइठ ।

साभारः गोरखापत्र दैनिकसे

जरूरी टेलिफोनके प्रायोजकः

हमार यहाँ बोल्लर सुनिंके मासु सुपथ मोलमे मिलठ । सेवा कर्ना मौका अवश्य देह्वी ।

नोट : भोजविहा, व्रतवन्धके लाग होम डेलिभरीके सुविधा बा ।

प्रो.रमेश चौधरी

केभी मासु पसल

बैयाबेहडी चौक, धनगढी कैलाली शारद उमावि लगगे मो. ९८११६३६८८०

एकुलेन्स नम्बर ९८२४६८९६९७, ९८५८४२७०९८, ९८१४६०८०४६, ९८१४६८०००६८, ९८१४६६०२८५

प्रहरी अञ्चल प्रहरी कार्यालय ०९१-४२९३०१ जिल्ला प्रहरी कार्यालय ०९१-४२९१५०,१०० बडा प्रहरी कार्यालय ०९१-४२९२९९,११०

ईप्रका अन्तरीया ०९१-४५०१५२ त्रिनागर प्रहरी चौकी ०९१-४२९१८३ जिल्ला प्रहरी कार्यालय ०९१-४२९१५३ ईप्रका मसुरिया ०९१-४०३०१४ ईप्रका चौमाला ०९१-६९२४७१ ईप्रका लक्की ०९१-४४०१९१ ईप्रका भजनी ०९१-४८०१९९ ईप्रका सुख्खड ०९१-४२९१६६ ईप्रका मालाखेती ०९१-४४०१५२ ईप्रका फल्टरे ०९१-६९०३३० ईप्रका हसुलिया ०९१-४२९१४४ ईप्रका पाण्डौन १७४९०१४९०४ सिमा प्रहरी चौकी बहुलिया ०९१-४२९२०६ ईप्रका टीकापुर ०९१-४६०१९९ स.प्र.वल सिमासुरक्षा धनगढी ४२६९२८

नैक

नेपाल राष्ट्र बैंक ०९१-२९३२२ नवजिवन बैंक ०९१-४२३६४३ कृषि विकास बैंक ०९१-४२९२३४ मालिका विकास बैंक ०९१-४२९७३८ बैंक अफ काठमाण्डौ ०९१-४२३३८६ बैंक अफ एसिया ०९१-४२४६४०

नेपाल बलादेश बैंक ०९१-४२९७८५ सिटिजन बैंक ०९१-४२७४८५ कुमारी बैंक ०९१-४२६०३८ सनराईज बैंक ०९१-४२४८४० नेपाल इन्जिनमेन्ट बैंक ०९१-४२३७०६ एनएमबी बैंक लि. ०९१-४२९१६६ सरकारी कार्यालय जिल्ला प्रशासन .०९१-४२९१०१ जिल्ला विकास .०९१-४३३४६० नगरपालीका .०९१-४२९४२९ मालपोत.०९१-४२९४०१, नापी शाखा.०९१-४६०४०२ कृषि विकास .०९१-४२३२४५, भूमि सुधार.०९१-४२९२२४ जिल्ला हुलाक.०९१-४२९५२७, नेपाल बाल संगठन: ४३६६६५

अग्रपाल

सेती अञ्चल.०९१-४२९३७१ नवजिवन ०९१-४२९३३३/४२९७३३ विजय मेडिकल हल धनगढी ०९१-४२३४३४ पद्मा धनगढी ०९१-४४०३४४ सेवा नर्सिङ होम अन्तरीया ०९१-४४०७९७ एम्बुलेन्स मसुरिया १७४९०१८०८१ घोडाघोडी अस्पताल सुखड ०९१-६९४७०७ टीकापुर अस्पताल ०९१-४६०१४०

दमकल १०१ नेपाल रेडक्रस सोसाईटी ०९१-४२९३३३ कैलाली उ.बा.संघ ४२९३३७, ४२३९७१ एम्बुलेन्स : ४२९६०० सामुदायिक एम्बुलेन्स सेवा टीकापुर ९८४५४७४७० विद्युत : ४२९१४४ दिनेश नेटल ०९१-४२९३९२ होटल जिमिटी ०९१-४३३९८८/४४७९३९ जगदम्बा ०९१-४२३४१०, विमो ०९१-४२३७०३ तरुण ०९१-४२४६९३, सनलाईट ०९१-४२९४३६ वल्ड क्लि धनगढी : ४२०१४१ बालुवाटारा ०९१-४२३८२०/४२७९१० नेपाल पत्रकार महासंघ : ४२७९२२

शैक्षिक संस्था

कैलाली बहुमुखी क्याम्पस ०९१-४२९२२३ सुदूरपश्चिमाञ्चल क्याम्पस ०९१-४२३९१२ ऐश्वर्य बहुमुखी क्याम्पस ०९१-४२९०७९ राजनैतिक पार्टी नेपाली कांग्रेस कार्यालय : ४४७९१४ नेकपा (एमाले) कार्यालय : ४२९०१० बसवाफ काउन्टर धनगढी : ०९१-४२९४२४ एफ.एम दिनेश एफ एम ९३.८ मेगाहर्ज धनगढी: ०९१-४२६७०१

रोजगारी डेटि हातेकागज उद्योग

घोराही, ३ फागुन । दाङके देउखुरीमे रहल राप्ती नेपाली हातेकागज उद्योगसे स्थानीय कच्चा पदार्थके उपयोग करटि १५० से ढेर स्थानीयहे रोजगारी डेहल बा । आर्थिक संकट कारण देखैटि जिल्लामे साना तथा घरेलु उद्योग सञ्चालनमे चुनौती बनल समयमे राप्ती गाउँपालिका-४, पिपरखुटीमे २०७९ से सञ्चालनमे आइल उ उद्योगमे प्रत्यक्ष रूपमे दैनिक २४ जाने ओ १५० स्थानीय बाबियो संकलन कैके आम्दानीमे जोरल बटै ।

स्थानीय सामुदायिक वनसे बाबियो संकलन कैके वार्षिक सवाकरोड रुपियाँके नेपाली हातेकागज उत्पादन करटि आइल उद्योगके सञ्चालक डम्बरबहादुर जिसी बटैलै । उद्योगसे मासिक १० लाख रुपियाँके कागज दाङसहित बुटवल,



काठमाडौं, पोखरा, वीरगन्जसँगे पश्चिम नेपालके टमान जिल्लामे बिक्री करटि आइल बा । उत्पादित कागज बिक्रीमे समस्या नैरहल जानकारी डेटि जिसी कलै, “कागज बिक्रीमे समस्या नैहो । दाङसे बाहिरी जिल्लामे गैल बा ।” उहाँके अनुसार देउखुरीके स्थानीय नौ ठो सामुदायिक वनसे वार्षिक २० लाख

मूल्य बराबरके बाबियो संकलन करना करल बा ।

अस्टेक उद्योगके लाग चाहना अन्य कच्चा पदार्थके रूपमे रहल लोत्ता पाँचथर ओ ताप्लेजुङसे तथा रासायनिक पदार्थ भर भैरहवासे नन्ना करल उहाँ बटैलै । दाङमे उत्पादन नैहुइना कच्चा पदार्थके लाग वार्षिक ३० लाख रुपियाँ

विस्थापन ओ अतिक्रमणबीचके...

३८ हजार ४० हेक्टर पुगल उल्लेख करल बा । कैलालीसँगे डडेलधुरा ओ कञ्चनपुर फेन ढेर वन क्षेत्र अतिक्रमणमे परल जिल्लामे परठ । डडेलधुरामे हालसम १५ हजार १२० हेक्टर ओ कञ्चनपुरमे नौ हजार ८५९ हेक्टर वनक्षेत्र अतिक्रमणमे परल तथ्यांक रहल बा ।

टमान सामुदायिक वन अतिक्रमणके चपेटामे परटी रहल बावै । अतिक्रमण हटैना प्रयास नैकरल फेन नैहो । अतिक्रमण हटैलेसे फेन पुन अतिक्रमण हुइना करल बर्दगोरीया गाउँपालिका-६ स्थित मट्रेनीया सामुदायिक वनके अध्यक्ष हरिराम डगौरा बटैलै । उहाँ कहलै, ‘सामुदायिक वनके तीन बिगाहा जमिन अतिक्रमणमे रहल बा । स्थानीयसे अतिक्रमण कैके लगाइल बाली आघेकचो हप्ते काटके अतिक्रमण जमिन खाली कराइल रही मने पुनः अतिक्रमण होसेकल बा । हप्ते घरी घरी प्रयास कैटी, सचेत करैटी, मने स्थानीय फेनसे अतिक्रमण करे नैछोरै ।’ ओहकान अनुसार, अइसीन दोहरिना अतिक्रमणसे सामुदायिक वन व्यवस्थापनमे चुनौती थपल बा ओ वन संरक्षणके प्रयासहे निरन्तरता देना कठिन बनैले बा ।

कैलारी गाउँपालिका-२ स्थित जनहित सामुदायिक वनके अध्यक्ष वेदप्रसाद चौधरीके अनुसार बस्ती लागेक वन क्षेत्रमे स्थानीय जमिन विस्तार कैटी गाईबस्तु बँधना, काठी, पैरा ढर्ना, केरा लगैना, छात्रा बनैना जैसिन गतिविधि बहके अतिक्रमण फैलल बा । ‘हमार बन्वामे फेन अतिक्रमण हुइल रहे,’ उहाँ कहलै, ‘समुदायके सक्रियतामे हटैली ।’ इहीसे डेखाइठ सचेतना ओ स्थानीय सहभागिता हुइलेसे अतिक्रमण नियन्त्रण सम्भव बा, मने उ सर्वत्र लागू हुइ सेकल नैहो ।

नीति. राजनीति ओ कार्यान्वयनबीच अल्फल वन संरक्षण

जनसंख्या वृद्धि, पहाडसे तराई भर्ना प्रवृत्ति, बहटी रहल गरिबी ओ रोजगारीके अभाव वन अतिक्रमणके कारण रहल डिभिजन वन कार्यालय पहलमानपुरके डिभिजन वन अधिकृत जनक पाध्या बटैलै । ओहकान अनुसार व्यक्तिगत लाभके लाग तथा मुक्त कर्मैया, सुकुम्बासी ओ बारहपीडितके नाउँमे वनक्षेत्र कब्जा कैना चलन व्यापक बन्दी गैल बा । ‘भू-माफियासे कृत्रिम सुकुम्बासी सिर्जना कैके अतिक्रमण बहटी रहल बटै,’ पाध्या कहलै, ‘कानुन टे बा, मने कार्यान्वयन कमजोर बा । राजनीतिक दबाव बरवार चुनौती हो ।’ भोट बैंकके राजनीति ओ दलगत स्वार्थसे अतिक्रमण नियन्त्रणमे समस्या हुइना करल उहाँके कहाइ रहल बा । व्यक्तिगत अतिक्रमण किल नैहो, सरकारी बजेटसे निर्माण हुइना सडक, खानेपानी, मठ-मन्दिर, विद्यालय, स्वास्थ्य चौकी, वडा कार्यालय, खेलमैदान ओ टमान संघसंस्थाके भवनसमेत प्रायः वन क्षेत्रमे निर्माण हुइटी रहल ओरसे अतिक्रमणहे थप बल पुगल पाध्या बटैलै ।

वन अतिक्रमण बहटी जाके वन क्षेत्र खण्डित हुइटी गैल बा । ओकर प्रत्यक्ष प्रभाव वन्यजन्तुके वासस्थानमे परल डिभिजन वन कार्यालय कैलालीके वरिष्ठ डिभिजनल वन अधिकृत रामबिचारी ठाकुर बटैलै । उहाँ कहलै, ‘वन क्षेत्र खण्डित हुइलपाछे वन्यजन्तुके वासस्थान नष्ट हुइटी गैल बा ओ उहीसे मानव-वन्यजन्तु द्वन्द्व फेन बहटी रहल बा । यदि अस्टे अवस्था निरन्तर रही कलेसे ढिरेसे वन्यजन्तु लोप हुइना सम्भावना फेन बा ।’

वन अतिक्रमण नियन्त्रणके लाग सबसे पहिले जनचेतना जगैना नै मुख्य आवश्यकता हो । साथे, निगरानी कैना निकाय कडा नीति ओ प्रभावकारी कारबाही अपनाइ पर्ना उहाँ जोड डेलै । वन अतिक्रमण केवल व्यक्तिगत समस्या नैहोके संगठित अपराधके रूप रहल सुदूरपश्चिम प्रदेश वन निर्देशनालयके निर्देशक हेमराज विष्ट बटैलै ।

स्थानीय तहसे फेन कबुक्काल वन अतिक्रमण कैके संरचना निर्माण करटी रहल डेखजाइठ । ‘स्थानीय तह प्रत्यक्ष रूपमे समुदायसँगे जोरजैना सरकारके निकाय रहल ओरसे वन अतिक्रमण रोक्न उपयुक्त भूमिका निर्वाह कैना आवश्यक रहल विष्ट बटैलै । स्थानीय तहसँगे समन्वय कैना जरूरी बा, मने अब्बे जटिला सहयोग करे पर्ना हो, ओटरा पर्याप्त हुइल नैहो,’ निर्देशक विष्ट कहलै । विष्ट आघे कहलै, ‘अबबे किल नैहो दशकौंके वन अतिक्रमण हो सम्बन्धित निकायके कमी कमजोरीके कारण कानुन रटी रटी फेन प्रभावकारी रूपमे कार्यान्वयन हुइ सेकल नैहो ।’

वन अतिक्रमणके दर बहटी जाके नियन्त्रणके लाग वन कार्यालयसे टमान प्रयास करटी रहल बावै । सुदूरपश्चिम प्रदेश वन निर्देशनालय ओ जिल्लास्थित डिभिजन तथा सब-डिभिजन वन कार्यालय सचेतना कार्यक्रम, सरोकारवाला निकायसँगे समन्वय बैठक, संयुक्त अनुगमन ओ अतिक्रमण क्षेत्र खाली करैना काम सञ्चालन कैटी आइल बावै । आघेक आर्थिक बरसमे किल कैलाली जिल्लामे १३५ हेक्टर वनक्षेत्र अतिक्रमणमुक्त करल तथ्यांक बा । गैल सावन महिनामे गौरीगंगा नगरपालिका-११ स्थित सरस्वती सामुदायिक वनके ३.९ हेक्टर अतिक्रमण क्षेत्र खाली कराके तारबार ओ वृक्षारोपण करल रहे ।

डिभिजन वन कार्यालय कैलालीके वरिष्ठ वन अधिकृत जीवकश यादवके अनुसार अतिक्रमण हुइल ठाउँ खाली कराके तारबार वा ट्रेन्च निर्माण कैना ओ खाली कराइल क्षेत्रमे वृक्षारोपण कैना काम नियमित हुइटी रहल बा । ‘पुरान अतिक्रमण हटैना समस्या बा,’ उहाँ कहलै, ‘मने नयाँ अतिक्रमण तुरुन्तै हटैना प्रयास करटी रहल बटी ।’

सरकारसे वन क्षेत्रमे बहटी रहल मानवीय चाप ओ अतिक्रमण रोक्न तथा अतिक्रमण भूमिहे पुनः वनके रूपमे कायम कैना “वन अतिक्रमण नियन्त्रण तथा व्यवस्थापन रणनीति, २०६८” लागू करले बा । इ रणनीतिसे मुलुकके ४० प्रतिशत भूभाग वनसे छोप्ना राष्ट्रिय लक्ष्यहे टेवा पुगैना उद्देश्य राखल बा । भूमिहीन, सुकुम्बासी, बाढीपीडित, आरक्षपीडित ओ मुक्त कर्मैयासे हुइल अतिक्रमणहे विशेष प्राथमिकतामे रखटी उहाँहुकनहे वनके जग्गा स्वामित्व नैडेके वैकल्पिक वसोवास ओ जीविकोपार्जनके व्यवस्था कैना नीति लेहल बा ।

रणनीतिले अतिक्रमण हटाइल क्षेत्रमे समूहगत व्यवस्थापन कैके कृषि वन प्रणालीअन्तर्गत कबुलियती वनके रूपमे प्रयोग करे देना लचिलो व्यवस्था फेन करल बा । मने कौनो फेन हालतमे वन क्षेत्र व्यक्तिगत वा संस्थागत नाउँमे दर्ता नैकरजैना स्पष्ट व्यवस्था बा । रणनीति कार्यान्वयनके लाग जिल्ला स्तरमे प्रमुख जिल्ला अधिकारीके नेतृत्वमे जिल्ला अतिक्रमण नियन्त्रण संयन्त्र गठन कैना, अतिक्रमण प्रोत्साहन कैना व्यक्ति वा संघसंस्थाहे कालोसूचीमे रखना ओ सरकारी सुविधा रोक्न जैसिन कडा प्रावधान फेन बावै ।

अस्टेके वन ऐन २०७६ से राष्ट्रिय वन तथा संरक्षित क्षेत्रमे अतिक्रमणहे गम्भीर अपराध मानल बा । दफा ४९ अनुसार घर, टहरा, खेती, आवादी बसोबास वा वनके सिमाना परिवर्तनजैसिन अतिक्रमणजन्य कार्यमे पाँच बरससम्म कैद वा एक लाख रुपैयाँसम्म जरिवाना वा दुनु सजाय हुइ सेक्ना व्यवस्था बा । यद्यपि नीति, रणनीति ओ कानूनके प्रावधान रटी रटी फेन विस्थापितके वैकल्पिक बसोबास सुनिश्चित नैहुइना, राजनीतिक स्वार्थ हाबी हुइना ओ भूमाफियाके चलखेल रोके नैसेक्ना कारण वन अतिक्रमणके जोखिम ओ दर बर्सिन बहटी गैल बा ।

DAILO TRAVELS PVT. LTD.

DHANGADHI, KAILALI

नयाँ गाडी दर्ताको लागि इन्ट्री खोलिएको सम्बन्धी सूचना

प्रस्तुत विषयमा हाम्रो यस दैलो ट्राभल्स प्रालिमा बेलौरी, धनगढीदेखि विभिन्न स्थानसम्म चलको लागि तपसिल बमोजिमको नयाँ गाडी दर्ता गर्नका लागि इन्ट्री खोलिएको व्यहोरा सबैमा जानकारी गराइन्छ ।

तपसिल

गाडीको नाम : SRM 11 seater

Range : Minimum 220 km in full charge

माग गाडी संख्या : १५ वटा (Only New)

Contact : 9764417596, 9805612419, 9800656404, 9811694801

अन्तर्राष्ट्रिय

चिया उद्योगहे आधुनिक ओ प्रतिस्पर्धी बनैना चीनके नयाँ रणनीति



काठमाडौं, ३ फागुन । चीन २०३० सम्म अपन चिया उद्योगहे कुल १.५ लाख करोड युआनके अर्थतन्त्रमे रूपान्तरण करना लक्ष्य बनैले बा । यकर लाग देशके पाँच सरकारी विभागसे नयाँ मार्गनिर्देशन जारी करले बा ।

यी योजना अनुसार चिया उद्योगके गुणस्तर ओ दक्षता सुधार करना ओ उद्योगहे आधुनिक, वातावरणमैत्री ओ अन्तर्राष्ट्रिय रूपमे प्रतिस्पर्धी बनैना प्रयास करल बा । २०२८ सम् प्रमुख चिया उत्पादन क्षेत्रमे निरन्तर प्रगति ओ गुणस्तर वृद्धिहे

सुनिश्चित करल बा । यी अन्तर्गत उत्पादन शृंखलामे आधुनिक प्रविधि प्रयोग, विविध उत्पादन विस्तार ओ उपभोक्ताहे और मजा सेवा पुगैना योजना बनाइल बा ।

मार्ग निर्देशनसे विज्ञान ओ प्रविधि नवप्रवर्तनहे बलगर बनैना, बजारहे प्रोत्साहन देना ओ विशेष उद्योग क्लस्टरके विकास आघे बहैना जोड डेहल बा । कच्चा चियाहे घरेलु सामग्री, दैनिक उपभोगके उत्पादन, सौन्दर्य प्रसाधन ओ स्वास्थ्य क्षेत्रमे प्रयोग बहैना योजना फेन बनाइल बा ।

ग्राहक वर्गहरूमा खुशीको खबर !

हाम्रो यहाँ सबै कम्पनीका रि-कण्डिसन मोटरसाइकलहरू पाइनुका साथै मर्मत पनि गरिन्छ र सबै कम्पनीका हेलमेट र पार्टसहरू थोक तथा खुद्रा मूल्यमा पाईन्छ ।

कुनै पनि मोटरसाइकल नगद खरिद गरेमा आकर्षक उपहारको व्यवस्था रहेको जानकारी गराउँदछौं ।



संजय अटो सेल्स एण्ड रि-कण्डिसन

धनगढी-४, उत्तरबेहडी (चटकपुर शहिद गेट भन्दा दुईसय मिटर पूर्व)

फोन न. ०९१४१०१०५, सुजित मो. ९८५८४२३९१२, सुनिल मो. ९८६७७९३५२१, महेश मो. ९८१३१३१०२९

पेट, छाती, मुटु तथा थाईराईड विभाग

उपचार हुने रोगहरू

- उच्च रक्तचाप, दम तथा मुटु रोगको उपचार
- सुगर (मधुमेह), थाईराईड रोगको उपचार तथा परामर्श
- मिर्गी रोग, प्यारालाइसिस (पक्षघात) तथा अन्य नशा सम्बन्धी रोगको उपचार
- छाती दुस्के, पेट दुस्के समस्याको उपचार
- ज्वरो आउने, टाउको दुस्के तथा पुरानो जटिल रोगको उपचार तथा परामर्श
- सिकल सेलरोग तथा अन्य रगत कम (Anemia) को उपचार तथा परामर्श

२४ सै घण्टा आकस्मिक उपचार

ओ.पि.डी. सेवा प्रत्येक दिन (बिहान ८ देखि साँझ ५ बजेसम्म)



डा. सुमन चौधरी

MBBS, MD (KU)

NMC No. 15308

कन्सल्टेन्ट फिजिसियन



धनगढी

संजिवनी अस्पताल प्रा. लि.

९ (राष्ट्र बैंक चौक, धनगढी-५) ७ सम्पर्क नं. ०९१-५९०३२८, ९७६४२१२७२७, ९७६९९३२१०५

जिल्ला प्रहरी कार्यालयसे माघके विवरण सार्वजनिक सुन्तलासे कृषकहे मनग्य आम्दानी

पहुरा समाचारबाट

धनगढी, ३ फागुन । जिल्ला प्रहरी कार्यालय कैलालीसे माघ महिनाके विवरण सार्वजनिक करले बा ।

जिल्लामे हुइल घटनाहे समेट तयार पारल प्रतिवेदन जिल्ला प्रहरी कार्यालय कैलालीसे सार्वजनिक करल हो । एक महिनामे अवधिमे मुख्य मुख्य घटनामे कर्तव्य ज्यान १, ज्यान मर्ना उद्योग २, फौसी लागके आत्महत्या १४, लागु औषध ३२, बैकिङ कसुर १९ करके ६८ घटना सार्वजनिक करल बा ।

अपराध अनुसन्धान तथा नियन्त्रण ओर दर्ता हुइल घटनामे ज्यान सम्बन्धी १९, आत्महत्या १५, चोरी सम्बन्धी ४, संगठित तथा आर्थिक अपराध ५७, सामाजिक अपराध ६, महिला तथा बालबालिका सम्बन्धी अपराध ९, सवारी ज्यान ९ ओ अन्य ३ करके १२२ ठो घटना दर्ता हुइल जिल्ला प्रहरी कार्यालय कैलालीके प्रहरी नायब उपरीक्षक प्रवक्ता/सूचना अधिकारी योगेन्द्र तिमिल्सना जनैले ।



जघन्य तथा गम्भीर अपराधओर बैकिङ कसुरके १९ ठो, महिला बालबालिका तथा जेष्ठ नागरिकसंग सम्बन्धित ९ करके २९ ठो घटनाके दर्ता हुइल बा ।

माघ महिनामे चालु मुद्दाके प्रतिवादी पक्राउ संख्या १०० रहल बा कलेसे अभिन २१ जाने पक्राउ पर्ना बाँकी रहल बटै । सार्वजनिक चासो रहल पेण्डिङ मुद्दा

सफल अनुसन्धानओर जम्मा पेण्डिङ मुद्दा १३४ मे ६ ठो फछ्यौट हुइल बा ।

फैसला कार्यान्वयनमे ३४ जाने पक्राउ, घरेलु हिंसा ओर ८ ठो उजुरी परलमे सक्कु मिलापत्र हुइल बा । यी महिनामे महिला, बालबालिका, जेष्ठ नागरिक ५८ जाने हेराइलमे ५७ जाने फेला परल मने एक जाने बालिका भर फेला नैपरल प्रहरी जनैले बा । एक

महिनामे पीडित हुइल संख्या ८, ठाडो उजुरी २२४ ठो परलमे सक्कु फछ्यौट हुइल बा ।

लागु औषधओर मुद्दा दर्ता ३२ रहलमे एक महिला ओ ३८ जाने पुरुष पक्राउ परलै कलेसे ४१ ग्राम ७४० मिलिग्राम खैरो हेरोइन, टमान मेरिक लागु औषध टयाबलेट ९३३ ठो बरामद करल बा । आत्महत्या ओर कुल १५ मन्से २ पुरुष, ९ महिला ओ ४ बालिका रहल बटै ।

सवारी दुर्घटना ५१ ठो हुइलमे ८ जाने अकालमे ज्यान गुमैले । ६९ जाने घाइल, ७७ जानेक प्रहरीसे उद्धार करल रहे । यी अवधिमे १३ सय ७९ ठो सवारी कारवाहीमे परेबरे ११ लाख ५२ हजार ५ सय रुपया राजश्वके संकलन हुइल बा ।

भन्सार छलि करके ल्यान सामान बरामद करेबरे ४४ लाख १ हजार ६४० रुपया राजश्व संकलन हुइल बा ।

विपदओर १४ ठो घटना हुइबरे २ घाइल, दुई जानेक उद्धार, २ लाख ३५ हजार क्षति हुइल रहे । यी अवधिमे १०० लिटर डारु बराबद करके नष्ट, प्राकृतिक सम्पदा दोहन करइया ११ सवारी साधान नियन्त्रणमे लेहे एक लाख ८४ हजार राजश्व संकलन करल बा ।

बाजुरा, ३ फागुन । बाजुराके गौमल गाउँपालिका-४ निवासी पारु रोकाया सुन्तला खेतीसे मनग्य आम्दानी कैटी आइल बटै ।

२०७४ सालमे उहाँ गाउँमे अन्नबाली लगैना सात रोपनी जमिनमे सुन्तला खेती करल रहित । २०८० सालसे उ सुन्तला फर्ना सुरु करल । अब्बे उहीहे बिक्री कैके उहाँ मनग्य आम्दानी करटी रहल बटै ।

“गाउँमे ढेर जमिन बा । मै उ जमिनमे मजा मेहेनत कैके अन्नबाली लगैना करल रहूँ । उहीसे महिन खैना समेत नैपुगल । ओकरपाछे सक्कु जमिनमे सुन्तला खेती करलपाछे अब्बे मजा कमाइ हुइना करल बा” गौमल गाउँपालिका-४, के विजय दुङ्गाके किसान पारु रोकाया बटैली ।

उहाँ कहली, “अन्नबाली लगैलेसे खाइ नैपुगना ठाउँमे अब्बे सुन्तला खेतीसे परिवार पर्ना सहज हुइल बा । इहे सुन्तला बिक्री कैके मोर छावा छाइहे समेत उच्च शिक्षामे पहुँचै रहल बटु ।”

‘२०७४ सालमे झन्डै पाँच सात रोपनी जमिनमे सुन्तला खेती करल रहु । गाउँमे रहल पाखो जमिनमे अन्नबाली लगाइबर उत्पादन मजा नैहुइलपाछे सक्कु

जमिनमे सुन्तला खेती सुरु करल हुइल, उहाँ कहली ।

गैल बरस गाउँमे सडक नैपुगल ओरसे मै उ सुन्तला समयमे मार्तडी पुगाइ नैसेकल उहाँ बटैली । इ बेला गाउँमे सडक पुगलपाछे अब्बे सुन्तला समयमे मार्तडी बजारमे लानके बिक्री करे लागल बटु, उहाँ कहली ।

गाउँमे उत्पादन करल अर्गानिक सुन्तला हुइल ओरसे इ बेला मोर सुन्तला मजासे बिक्री हुइना करल बा । “गैल बरस ओरचे ढिला लानल रहूँ । टौन फेन दुई-चार लाख रुपियाँ कमाइ हुइल रहे” उहाँ थप्ली, “अबबे समयमे सुन्तला बजारमे लन्ले बटु । इ बेला सुन्तला बिक्री हुइना हो कलेसे उहीसे महिन इ बरस पाँचसे छ लाखसे ढेर रुपियाँ कमाइ हुइ ।”

हिमाली, स्वामीकार्तिक खापर, जगन्नाथ, बुढीनन्दा, बडीमालिका, गौमल, त्रिवेणी, बुढीगंगा, त्रिवेणी ओ छेडेदह लगायत पालिकामे मजा सुन्तला उत्पादन हुइना करल बा । बाजुरामे उत्पादन करल सुन्तलाहे बजारीकरण कैना कृषि ज्ञान केन्द्र बाजुरासे दुवानी अनुदानके व्यवस्था मिलैटी आइल कृषि ज्ञान केन्द्र बाजुराके प्रमुख जसिराम साहनी बटैले ।

घरदैलोमे जनताके समस्या बुझ्ती उम्मेदवार चौधरी



पहुरा समाचारबाट

धनगढी, ३ फागुन । नेपाली कम्युनिस्ट पार्टीके नेता तथा कैलाली क्षेत्र नम्बर ३ के उम्मेदवार वीरमान चौधरी निर्वाचन लक्षित घरदैलो अभियानहे तीव्रता डेले बटै ।

अभियानअन्तर्गत उहाँ टमान टोल तथा बस्तीमे पुगके स्थानीय बासिन्दासंग प्रत्यक्ष भेटघाट कैटी ओइनके समस्या, गुनासा ओ सुझाव संकलन करटी रहल बटै ।

घरदैलो कार्यक्रमके क्रममे चौधरी

शिक्षा, स्वास्थ्य, सडक पूर्वाधार, रोजगारी ओ कृषि क्षेत्रके समस्याबारे चासो डेटी समाधानके लाग प्रतिबद्धता जनैले बटै ।

स्थानीयहूके विकास, सिंचाइ, तटबन्ध, युवाहे रोजगारी सिर्जना लगायतके माग रखना करल बटै ।

उम्मेदवार चौधरी अपने जनताके घरदैलोमे पुगके प्रत्यक्ष रूपमे समस्या बुझ्ती समाधानके लाग प्रतिबद्ध रहल बटै । “जनताके आवश्यकता ओ अपेक्षा बुझके योजना बनैब । उ क्षेत्रके समग्र विकास नै मोर मुख्य लक्ष्य हो,” उहाँ कहलै । उहाँ आपन निर्वाचन क्षेत्रके योजना प्राथमिकतामे राखके काम कैना बटैलै ।

निर्वाचनको समयमा कर्मचारीले पालना गर्नुपर्ने आचरण

- ❖ कुनै राजनीतिक दल वा उम्मेदवारको पक्ष वा विपक्षमा कुनै कार्य गर्नु/गराउनु, प्रचारप्रसारमा संलग्न हुनु वा प्रचारप्रसार गर्नु हुँदैन ।
- ❖ कुनै राजनीतिक दल वा उम्मेदवारलाई कार्यालय वा आफ्नो भवन, सवारी साधन वा अन्य सामग्री प्रयोग गर्न दिनु हुँदैन ।
- ❖ निर्वाचनलाई प्रतिकूल प्रभाव पार्ने विषयमा कृत्रिम बौद्धिकता (आर्टिफिशियल इन्टेलिजेन्स-एआई) को प्रयोग गरी वा नगरी सामाजिक सञ्जालमा पोष्ट, रिपोष्ट, शेयर, कमेन्ट वा प्रतिकमेन्ट, लाइभ स्ट्रिमिङ, ट्याग वा मेन्सनलगायतका कार्य गर्नु/गराउनु हुँदैन ।
- ❖ निर्वाचन प्रयोजनका लागि सम्प्रेषण गर्नुपर्ने सूचनाबाहेक अन्य कुनै प्रकारका आफूलाई प्राप्त जानकारी कुनै राजनीतिक दल वा उम्मेदवार वा अनधिकृत व्यक्तिलाई दिनु हुँदैन ।
- ❖ निर्वाचनसम्बन्धी कार्य गर्दा गराउँदा कसैको पक्ष वा विपक्ष लिनु हुँदैन ।



चिसो मौसममा हुने स्वास्थ्य समस्याबाट बचौ ।

जाडो तथा चिसोको समयमा:

- मौसमी रुघाखोकी, भाईरल ज्वरो, छातीको समस्या, दम, निमोनिया, भ्राडापखला, छाला सुख्खा हुने, जोर्नी दुखाई, पिनास, टन्सिल, हृदयघात लगायतका स्वास्थ्य समस्या देखा पर्न सक्छन् ।
- बालबालिका, वृद्धवृद्धा तथा दीर्घरोगीहरू बढी प्रभावित हुन सक्छन् ।
- चिसो मौसममा बाक्लो र न्यानो कपडा लगाऔं ।
- तातो, पोषिलो र भोलिलो खानेकुरा खाऔं र खुवाऔं ।
- शारीरिक व्यायाम गरौं, धूम्रपान/मद्यपान नगरौं ।
- घर तथा कोठा न्यानो बनाऔं ।
- नियमित घाम ताप्ने गरौं ।

स्वास्थ्यमा समस्या देखिए चिकित्सकको परामर्श लिऔं ।



गौरीगंगा नगरपालिका
नगर कार्यपालिकाको कार्यालय
चौमाला, कैलाली

चिसो मौसममा हुने स्वास्थ्य समस्याबाट बचौ ।

- ❖ जाडो मौसममा शितलहर, हिमपात, हुस्सु तथा कुहिरो लाग्न सक्ने हुँदा अत्यधिक चिसो हुन सक्छ ।
- ❖ चिसोको कारण प्रदूषण बढ्ने गर्छ ।
- ❖ चिसो तथा प्रदूषणको कारण रुघा, खोकी, ज्वरो, सास फेर्न गाह्रो हुने तथा दम बढ्ने समस्या हुन सक्छ ।
- ❖ चिसो तथा प्रदूषणले मुटु, फोक्सो, मस्तिष्कलगायतका अङ्गमा गम्भीर असर पुग्न सक्छ ।
- ❖ बालबालिका, वृद्धवृद्धा, गर्भवती महिला तथा दमका विरामीलाई गम्भीर असर पार्न सक्ने हुँदा धुलो, धुँवा तथा चिसोवाट बचौ र बचाऔं ।
- ❖ सकेसम्म घरभित्रै बसौ, निस्कनैपर्ने भए न्यानो कपडा लगाएरमात्र निस्कौं ।

कुनै समस्या परे चिकित्सकसंग परामर्श गरौं ।



कैलारी गाउँपालिका
गाउँ कार्यपालिकाको कार्यालय
हसुलिया, कैलाली

सुवर्ण अवसर ! सुवर्ण अवसर !! सुवर्ण अवसर !!!

कैलाली अस्पताल प्रा.लि

Provide Health Related Services

सेवाहरू:

- ✓ मधुमेह(सुगर)
- ✓ थाइराइड रोग
- ✓ पेट,मुटु तथा छातिरोग
- ✓ कलेजी रोग
- ✓ TB, हेपाटाइटिस रोग
- ✓ ब्लडप्रेसर तथा हृदयरोग
- ✓ मोटीपना

डा. अकाश राउत
MBBS, MD (TJ), Internal Medicine
Senior Consultant Physician
NMC NO. 20304
➤ आउने समय : प्रत्येक दिन (२४ घण्टा)

डाक्टर आउने समय : प्रत्येक दिन, आकस्मिक सेवा (चिकित्सक) २४ घण्टा

हावा सेवाहरू : १) २४ घण्टा ईमर्जेन्सी सेवा, फार्मसी सेवा, अत्याधुनिक प्याथोलोजी, रंगीन इण्डोस्कोपी, डिजिटल एक्सरे, रंगीन भिडियो एक्सरे, अत्याधुनिक अप्रेसन थियटरबाट सेवा, वातानुकुलीन एम्बुलेन्स, वातानुकुलीन क्याबिन ।
२) स्त्री रोग तथा प्रसूती सम्बन्धी सेवा (बाँझोपन, सेतोपानी बग्ने, तल्लो पेट दुख्ने, महिनावारी गडबडी, पाठेघर खस्ने, पाठेघरको अप्रेसन, गर्भवती तथा सुत्केरी सेवा) । ३) ल्याप्रोस्कोपी तथा जनरल सर्जरी (हाइड्रोसिल, हर्निया, पायल्स, फिस्टुला, स्तनमा गाँठगुठी आउने, शरिरका विभिन्न भागमा गाँठगुठी, घाउ खटिरा, पत्थरी, किडनीको पत्थरी, प्रोस्टेटको अपरेसन तथा पित्तथैलीको पत्थरी अपरेसन) । ४) हाड(जोर्नी तथा नशा सम्बन्धी सेवा (हाटखुट्टा बाङ्गे, फ्याक्चर, हाडजोर्नीको दुखाई, कम्मर दुख्ने तथा अत्याधुनिक मेसिनबाट हड्डीको अप्रेसन)छाती, मुटु, कलेजी तथा पेट सम्बन्धी सेवा । ५) यौनरोग, कपाल तथा छाला रोग सम्बन्धी सेवा । ६) मानसिक तथा मनोरोग सेवा । ७) नाक, कान, घाँटी रोग सम्बन्धी सेवा । ८) सुर्खा पर्नु, टाउको दुख्ने जस्ता समस्याहरू, प्यारालाइसिस हातखुट्टा नचल्ने सम्बन्धी सेवा । ९) न्यूरो (नशा रोग) लागुपदार्थ दुर्व्यसनी, कुलत सम्बन्धी, हाटखुट्टा भ्रमभ्रमाउने, छारे रोग । १०) आगोले पोलेको हातखुट्टा बाङ्गिएको र खुँडेको अप्रेसन आदि सेवा ।

कैलाली अस्पताल प्रा.लि



जिल्ला प्रशासन कार्यालय अगाडि, पशुपति टोल, धनगढी, कैलाली
फोन नं. ०९१-४२४५५५, ४२४६५४, ४२९२४९